

ZAPISNIK SA
47. RADNE SJEDNICE SKUPŠTINE KANTONA SARAJEVO
ODRŽANE U UTORAK, 28.12.2021. GODINE
SA POČETKOM RADA U 10,00 SATI

Predsjedavajući Elvedin Okerić (u daljem tekstu predsjedavajući) je pozdravio sve prisutne i otvorio 47. Radnu sjednicu Skupštine Kantona Sarajevo.

Sjednici prisustvuje 23 zastupnika, što je dovoljan broj za punovažan rad i odlučivanje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Haris Zahiragić
3. Mahir Dević
4. Amra Hasagić
5. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić
9. Senad Hasanović

10. Sead Milavica
11. Mirza Čelik
12. Bilsena Šahman

Izostanak sa ove sjednice opravdali su zastupnik Haris Pleho, zastupnica Bibija Kerla, zastupnica Neira Dizdarević, zastupnica Jasmina Bišćević-Tokić i zastupnik Sabahudin Delalić.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 13.12.2021.godine utvrdio dnevni red, a isti je dopunio na sjednici Kolegija održanoj dana 24.12.2021. godine.

UTVRĐIVANJE DNEVNOG REDA SJEDNICE.

Na osnovu naprijed navedenog, Prijedlog dnevnog reda, 47. Radne sjednice, glasi:

1. Poslanička/zastupnička pitanja inicijative i odgovori;
2. Prijedlog Odluke o privremenom finansiranju potreba Kantona Sarajevo za period od 01.01. do 31.03.2022. godine;
3. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2022. godine do 31.03.2022. godine;
4. Prijedlog Odluke o davanju saglasnosti na Odluku o privremenom finansiranju potreba Javne ustanove "Služba za zapošljavanje Kantona Sarajevo" Sarajevo za period 01.01.2022. godine do 31.03.2022. godine;
5. Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom;
6. Prijedlog Zakona o izmjenama i dopunama Zakona o koncesijama;
7. Prijedlog Zakona o cestama Kantona Sarajevo;
8. Prijedlog Zakona o javnom prijevozu putnika u Kantonu Sarajevo;
9. Prijedlog Zakona o izmjenama i dopunama Zakona o uređenju saobraćaja na području Kantona Sarajevo -skraćeni postupak;
10. Prijedlog Odluke o davanju saglasnosti na Statut o izmjenama Statuta Javne ustanove "Apoteke Sarajevo";
11. Prijedlog Odluke o izmjenama Odluke o osnivanju Zavoda zdravstvenog osiguranja Kantona Sarajevo;
12. Prijedlog Odluke o dopunama Odluke o proglašenju općeg dobra i prirodnog bogatstva dijelova preduzeća kojim upravlja KJKP „GRAS“ d.o.o. Sarajevo i izuzimanju iz početnog bilansa i programa privatizacije;
13. Prijedlog Odluke o davanju saglasnosti na aneks Sporazuma o poslovnoj saradnji kojim se regulišu međusobni odnosi na realizaciji projekta rekonstrukcije, finansiranja, ustupanja, opremanja i korištenja objekta predškolske ustanove „Ciciban“ sa Općinom Novo Sarajevo i Udruženjem porodica djece i osoba s poteškoćama u razvoju „Dajte nam šansu“ i davanju saglasnosti v.d. direktorici Javne ustanove „Djeca Sarajeva“, da potpiše navedeni aneks Sporazuma sa Općinom Novo Sarajevo i Udruženjem porodica djece i osoba s poteškoćama u razvoju „Dajte nam šansu“;

ZASTUPNICE I ZASTUPNICI SU PRISTUPILI IZJAŠNJAVANJU I NAKON GLASANJA KONSTATOVANO JE DA JE SKUPŠTINA ZA 47. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN SA 19 „ZA” I 3 „SUZDRŽANA”.

Kao informativni materijal zastupnicima i zastupnicama je dostavljeno sljedeće:

- Informacija o istraživanju tržišta rada u Kantonu Sarajevo za 2020./2021. godinu.

Predsjedavajući je predložio izmjenu dnevnog reda u smislu da se tačka 1. razmatra kao posljednja i ovaj prijedlog je dao na glasanje. Nakon glasanja konstatovano je da je Skupština prihvatila ovaj prijedlog sa 19 „za” i 5 „suzdržanih”.

S obzirom na usvojeni prijedlog uslijedila je realizacija tačke 2.

AD - 2.

PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2022. GODINE

Prijedlog su zastupnice i zastupnici dobili uz poziv za sjednicu.

Uvodno izlaganje po ovom Prijedlogu odluke imao je ministar finansija Davor Čičić, a nakon njegovog obraćanja za komentar se prijavila zastupnica Segmedina Srna Bajramović.

S OBZIROM DA NIJE BILO DISKUSIJE, PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2022. GODINE.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU SA 24 „ZA” I 1 „SUZDRŽAN”.

AD – 3.

PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 01.01.2022. GODINE DO 31.03.2022. GODINE

Materijal su zastupnice i zastupnici dobili u dopuni.

S OBZIROM DA NIJE BILO PITANJA I DISKUSIJE, PREDSJEDAVAJUĆI JE POZVAO ZASTUPNIKE DA SE IZJASNE O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 01.01.2022. GODINE DO 31.03.2022. GODINE.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU SA 25 „ZA”,

AD – 4.

PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE “SLUŽBA ZA ZAPOŠLJAVANJE KANTONA SARAJEVO” SARAJEVO ZA PERIOD 01.01.2022. GODINE DO 31.03.2022. GODINE

Materijal su zastupnice i zastupnici dobili u dopuni.

S OBZIROM DA NIJE BILO PRIJAVLJENIH ZA PITANJA I DISKUSIJU PREDSEDAVAJUĆI JE POZVAO ZASTUPNIKE DA SE IZJASNE O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE “SLUŽBA ZA ZAPOSŁJAVANJE KANTONA SARAJEVO” SARAJEVO ZA PERIOD 01.01.2022. GODINE DO 31.03.2022. GODINE.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU SA 26 „ZA”,

AD – 5.

PRIJEDLOG ZAKONA O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŹRTAVA RATA I ZAŠTITI PORODICE SA DJECOM

Materijal su zastupnice i zastupnici dobili uz poziv za sjednicu.

Ministrica za rad, socijalnu politiku, raseljena lica i izbjeglice Ivana Prvulović je podnijela uvodne napomene, a nakon njenog izlaganja pitanja su postavili zastupnica Amra Hasagić, zastupnik Samir Suljević i zastupnica Jasna Duraković. Odgovori ministrice Ivane Prvulović su sadržani u stenogramu ove sjednice. U nastavku, otvorena je diskusija po ovom Prijedlogu zakona i u njoj su učestvovali: zastupnica Amra Hasagić, zastupnica Segmedina Srna Bajramović, zastupnica Vildana Bešlija i zastupnica Jasna Duraković.

NAKON ZAKLJUČENE DISKUSIJE PREDSEDAVAJUĆI JE POZVAO ZASTUPNIKE DA SE IZJASNE O PRIJEDLOGU ZAKONA O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŹRTAVA RATA I ZAŠTITI PORODICE SA DJECOM.

NAKON GLASANJA KONSTATOVANO JE DA JE SKUPŠTINA JEDNOGLASNO (28 “ZA”) DONIJELA OVAJ ZAKON.

AD – 6.

PRIJEDLOG ZAKONA O IZMJENAMA I DOPUNAMA ZAKONA O KONCESIJAMA

Prijedlog ovog Zakona su zastupnice i zastupnici dobili uz poziv za sjednicu, a ministar privrede Adnan Delić je podnio uvodne napomene.

U nastavku realizacije ove tačke, otvorena je diskusija i u njoj su učestvovali zastupnica Segmedina Srna Bajramović, zastupnik Elvis Vreto i zastupnica Amra Junuzović-Kaljić.

NAKON DISKUSIJE PREDSEDAVAJUĆI JE KONSTATOVAO DA NEMA VIŠE PRIJAVLJENIH PA JE POZVAO ZASTUPNIKE DA SE IZJASNE O PRIJEDLOGU ZAKONA O IZMJENAMA I DOPUNAMA ZAKONA O KONCESIJAMA.

NAKON GLASANJA KONSTATOVANO JE DA JE SKUPŠTINA SA 21 “ZA”

DONIJELA OVAJ ZAKON O IZMJENAMA I DOPUNAMA ZAKONA O KONCESIJAMA.

AD – 7.

PRIJEDLOG ZAKONA O CESTAMA KANTONA SARAJEVO

Prijedlog ovo Zakona su zastupnice i zastupnici dobili uz poziv za sjednicu, a uvodne napomene podnio je ministar saobraćaja Adnan Šteta. Nakon uvodnog izlaganja po Prijedlogu zakona o cestama Kantona Sarajevo pitanje je postavio zastupnik Sead Milavica, a u diskusiji koja je nakon toga otvorena učestvovali su zastupnik Damir Nikšić, dopredsjedavajući Vibor Handžić i zastupnik Zvonko Marić.

NAKON ZAKLJUČENE DISKUSIJE, PREDSJEDAVAJUĆI JE POZVAO ZASTUPNIKE DA SE IZJASNE O PRIJEDLOGU ZAKONA O CESTAMA KANTONA SARAJEVO.

NAKON GLASANJA KONSTATOVANO JE DA JE SKUPŠTINA SA 25 “ZA” DONIJELA OVAJ ZAKON.

AD – 8.

PRIJEDLOG ZAKONA O JAVNOM PRIJEVOZU PUTNIKA U KANTONU SARAJEVO

Materijal su zastupnice i zastupnici dobili uz poziv za sjednicu, a uvodno izlaganje po ovom Prijedlogu zakona imao je ministar Adnan Šteta.

Nadalje, po ovom Prijedlogu zakona pitanja su imali zastupnik Mirza Čelik i zastupnik Vedran Jakupović, dok su u raspravi učestvovali zastupnica Segmedina Srna Bajramović, zastupnik Damir Nikšić, zastupnik Mirza Čelik, zastupnik Haris Zahiragić, zastupnik Igor Stojanović, dopredsjedavajući Vibor Handžić, zastupnik Elvis Vreto, zastupnica Jasna Duraković, zastupnik Damir Nikšić, zastupnik Elmedin Konaković, zastupnik Samir Suljević, zastupnik Aljoša Čampara i zastupnik Dževad Poturak.

NAKON ISCRPLJENE LISTE PRIJAVLJENIH ZA DISKUSIJU, PREDSJEDAVAJUĆI JE ISTU ZAKLJUČIO I POZVAO ZASTUPNIKE DA SE IZJASNE O PRIJEDLOGU ZAKONA O JAVNOM PRIJEVOZU PUTNIKA U KANTONU SARAJEVO.

NAKON GLASANJA KONSTATOVANO JE DA JE SKUPŠTINA SA 21 “ZA” I 3 “SUZDRŽANA” DONIJELA OVAJ ZAKON.

AD – 9.

PRIJEDLOG ZAKONA O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO -SKRAĆENI POSTUPAK

Materijal su zastupnice i zastupnici dobili uz poziv za sjednicu, a u skladu sa članom 158. stav (2) Poslovnika Skupštine Kantona Sarajevo predstavnik Predlagača ministar Adnan Šteta je ukratko naveo razloge za donošenje Prijedloga zakona po skraćenom postupku.

NAKON OBRAĆANJA MINISTRA PREDSJEDAVAJUĆI JE POZVAO ZASTUPNIKE DA SE IZJASNE DA LI ĆE SE PRETRES PRIJEDLOGA ZAKONA O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO PROVESTI PO SKRAĆENOM POSTUPKU.

SKUPŠTINA JE PRIHVATILA PRIJEDLOG SA 20 "ZA" I 1 "SUZDRŽAN" DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Ministar saobraćaja Adnan Šteta je u nastavku ove tačke podnio uvodne napomene po samom Prijedlogu zakona, a nakon njegovog izlaganja nije bilo prijavljenih za pitanja i diskusiju.

PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO.

NAKON GLASANJA KONSTATOVANO JE DA JE SKUPŠTINA SA 21 "ZA" I 3 "SUZDRŽANA" DONIJELA OVAJ ZAKON.

NAKON REALIZACIJE OVE TAČKE DNEVNOG REDA NA PRIJEDLOG PREDSJEDAVAJUĆEG USVOJENA JE PAUZA OD SAT VREMENA SA 22 GLASA "ZA".

NASTAVAK NAKON PAUZE

AD – 10.

PRIJEDLOG ODLUKE O DAVANJU SAGLASNOSTI NA STATUT O IZMJENAMA STATUTA JAVNE USTANOVE "APOTEKE SARAJEVO"

Materijal su zastupnice i zastupnici dobili u dopuni, a zastupnici i zastupnice su ocijenili da nema potrebe za uvodnim napomenama.

S OBZIROM DA NIJE BILO PRIJAVLJENIH ZA PITANJA ILI DISKUSIJU PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA STATUT O IZMJENAMA STATUTA JAVNE USTANOVE "APOTEKE SARAJEVO".

NAKON GLASANJA KONSTATOVANO JE DA JE SKUPŠTINA SA 22 "ZA" DONIJELA OVU ODLUKU.

AD – 11.

PRIJEDLOG ODLUKE O IZMJENAMA ODLUKE O OSNIVANJU ZAVODA ZDRAVSTVENOG OSIGURANJA KANTONA SARAJEVO

Materijal su zastupnice i zastupnici dobili u dopuni.

S OBZIROM DA NIJE BILO PITANJA I DISKUSIJE, PREDSJEDAVAJUĆI JE

POZVAO ZASTUPNIKE DA SE IZJASNE O PRIJEDLOGU ODLUKE O IZMJENAMA ODLUKE O OSNIVANJU ZAVODA ZDRAVSTVENOG OSIGURANJA KANTONA SARAJEVO.

NAKON GLASANJA KONSTATOVANO JE DA JE SKUPŠTINA SA 23 "ZA" DONIJELA OVU ODLUKU.

AD -12.

PRIJEDLOG ODLUKE O DOPUNAMA ODLUKE O PROGLAŠENJU OPĆEG DOBRA I PRIRODNOG BOGATSTVA DIJELOVA PREDUZEĆA KOJIM UPRAVLJA KJKP „GRAS“ D.O.O. SARAJEVO I IZUZIMANJU IZ POČETNOG BILANSA I PROGRAMA PRIVATIZACIJE

Materijal su zastupnice i zastupnici dobili u dopuni.

S OBZIROM DA NIJE BILO PITANJA I DISKUSIJE PREDSJEDAVAJUĆI JE POZVAO ZASTUPNIKE DA SE IZJASNE O PRIJEDLOGU ODLUKE O DOPUNAMA ODLUKE O PROGLAŠENJU OPĆEG DOBRA I PRIRODNOG BOGATSTVA DIJELOVA PREDUZEĆA KOJIM UPRAVLJA KJKP „GRAS“ D.O.O. SARAJEVO I IZUZIMANJU IZ POČETNOG BILANSA I PROGRAMA PRIVATIZACIJE.

NAKON GLASANJA KONSTATOVANO JE DA JE SKUPŠTINA SA 23 "ZA" I 2 "SUZDRŽANA" DONIJELA OVU ODLUKU.

AD – 13.

PRIJEDLOG ODLUKE O DAVANJU SAGLASNOSTI NA ANEKS SPORAZUMA O POSLOVNOJ SARADNJI KOJIM SE REGULIŠU MEĐUSOBNI ODNOSI NA REALIZACIJI PROJEKTA REKONSTRUKCIJE, FINANSIRANJA, USTUPANJA, OPREMANJA I KORIŠTENJA OBJEKTA PREDŠKOLSKE USTANOVE „CICIBAN“ SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“ I DAVANJU SAGLASNOSTI V.D. DIREKTORICI JAVNE USTANOVE „DJECA SARAJEVA“, DA POTPIŠE NAVEDENI ANEKS SPORAZUMA SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“

Materijal su zastupnice i zastupnici dobili u dopuni.

S OBZIROM DA NIJE BILO PITANJA I DISKUSIJE PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ANEKS SPORAZUMA O POSLOVNOJ SARADNJI KOJIM SE REGULIŠU MEĐUSOBNI ODNOSI NA REALIZACIJI PROJEKTA REKONSTRUKCIJE, FINANSIRANJA, USTUPANJA, OPREMANJA I KORIŠTENJA OBJEKTA PREDŠKOLSKE USTANOVE „CICIBAN“ SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“ I DAVANJU SAGLASNOSTI V.D. DIREKTORICI JAVNE USTANOVE „DJECA SARAJEVA“, DA POTPIŠE NAVEDENI ANEKS SPORAZUMA SA OPĆINOM NOVO

SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“.

NAKON GLASANJA KONSTATOVANO JE DA JE SKUPŠTINA SA 25 “ZA” DONIJELA OVU ODLUKU.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Dževad Poturak se prvi prijavio i on je podnio sljedeće (citiramo): „E ovako, pitanje imam za ministricu obrazovanja, uvaženu Muminovićku da mi kaže ovako nekoliko uvodnih riječi. U udžbeniku za IX razred u RS Radovan Karadžić, četnik, je opisan kao pjesnik i psihijatar i političar. Ispade ovaj krvnih pozitivna osoba. Zanimljivo je da su osuđeni ratni zločinci u udžbeniku opisani uz neskrivene simpatije. Slobodno možemo reći i hvalospijevima a rat u BIH je nazvan građanskim. U udžbeniku se navodi još i neistina i dosta iskrivljenih činjenica od toga da je četnički vojvoda Draža Mihajlović bio antifašista, do toga da je prvi predsjednik BIH rahmetli Alija Izetbegović bio prohitlerovski orijentisan. A mi u FBIH, tj u BIH mi smo zaista rahat od svega izgleda. Naša djeca uopšte ne uče o ratu kao da se nije ni desio. Mi u BIH skušeno slušamo preporuke ovih iz Europe da je tako najbolje. A opet su se nad BIH nadvili crni oblaci. Naša djeca osnovno i srednje obrazovanje završavaju sa saznanjem da se raspala Jugoslavija i BiH postala samostalna. Ostala je velika muka da nastavnicima i profesori svako na svoj način objasne učenicima tj našoj djeci šta se zaista desilo 92-95 godina. I to naravno kaže ako žele. Žalosno je ali to smo. Obzirom da mi nećemo da pišemo istoriju zasnovanu na faktima i da nećemo da nam istorija bude učiteljica života, mi ćemo to izgleda prepustiti onima koji vole mitologiju i teoriju. Da tri puta ponovljena laž postaje istina. Ne može u BIH pa ne može kaže ni u FBIH. Pa valjda mi Kantonu Sarajevo možemo to da uradimo. Možemo da stavimo u udžbenike istorije da naša djeca uče šta se zaista desilo 92-95. osvrnut ću se na to da je ova Vlada jako sposobna. Sposobna je da odvede BIH za tili čas na jedan veliki prestižni događaj kao što je EXPO, ali izvinite, niste sposobni da organizirate časove istorije u školskih klupama zbog ljudi koji su svoje živote dali i koji su ostajali bez svojih dijelova tijela zbog BIH. I koji su ostajali bez svojih najbližih. Žao mi je bio sam u diskusiji s vama 20 sekundi zbog onoga jesmo li trebali, nismo trebali. Evo 30 sekundi mi treba dodatnih. Žao mi je što ja po ko zna koji put pitam i tražim i dobijam neke odgovore obećanja od ministrice ali ovo sve traje predugo. Izgleda ništa od toga. Opet ću se vratiti da se divna stvar desila odlazak na EXPO, i čestitam i lijepo je to. Ali koliko je dobro to sve, vrijeme će pokazati bože moj, ali ne mogu da vjerujem da niste u stanju za ovu godinu dana da organizirate bile kakve prave udžbenike za časove istorije u Kantonu Sarajevo o genocidu, herojima, kako se BIH odbranila, sve je u znaku planiramo, biće, i pripremamo. I evo prođe godina. Izdvojili smo navodno sredstava i to mi je drago, i to čestitam po ko zna koji put danas čestitke i želje, a kada ste hajde da kažem EXPO je bio dobar, bio je ekspresan. Ali dajte ekspresno uradite udžbenike istorije u Kantonu Sarajevo. Molim vas da se svi zajedničkim snagama ovdje zajedno rame uz rame da napravimo te udžbenike da naša djeca znaju šta se desilo 92-95. eto toliko. Izvinjavam se što sam ovih 30 sekundi.”

Zastupnica Amra Hasagić je podnijela sljedeće: „S obzirom da je Ministarstvo za boračka pitanja usvojilo moju inicijativu da se pristupi izradi Zakona o kulturi sjećanja i zaštiti sjećanja na poginule borce, branitelje i šehide u periodu agresije na BIH, kao i druge neophodne akte ja ponovno pokrećem Inicijativu prema istom Ministarstvu da uputi poziv svim boračkim udruženjima, općinama i zainteresiranim pojedincima da dostave prijedloge kako bi se pristupilo izradi nacrtu Zakona o kulturi sjećanja kao i drugih neophodnih

zakonskih akata. Smatram zaista da je neophodno da nadležno Ministarstvo uputi zvaničan poziv kako bi sve zainteresovane strane dale svoje prijedloge te kako bi nadležno Ministarstvo imalo što kvalitetniji materijal za pripremu pomenutog nacrtu Zakona. Kako sam i ranije navela, donošenje zakonskog propisa u vidu lex specialisa bi se zaštitilo sjećanje na naše heroje, te u budućnosti onemogućilo olako licitiranje njihovim imenima kroz populističke promjene naziva ulica, objekata i površina koje isti nose. Svoja druga pitanja ću dostaviti u pisanoj formi. Zahvaljujem.”

Zastupnik Igor Stojanović je podnio sljedeće (citiramo): „Podnosim inicijativu prema Ministarstvu saobraćaj i prema Ministarstvu za odgoj i obrazovanje. Moja inicijativa se odnosi na uspostavljanje poligona na kojem će vozači imati priliku da prije nego što izađu na ulice probaju određene stvari. To je prije bila praksa. Ta je praksa u drugim državama i sada prisutna. Kod nas više nije. Ja bih zamolio s obzirom da je jedan od najvećih uzroka nesreća saobraćajnih generalno to što ljudi ne urade pravovremeno kočenje vozilom da te prve stvari probaju, kao što se i nekada to moglo na poligonu prije nego što izađu na ulice i ugroze saobraćaj. Hvala.”

Zastupnik Elmedin Konaković je podnio sljedeće (citiramo): „Pitanje upućujem Kantonalnom Tužilaštvu Kantona Sarajevo. Sutra će biti 40 dana od tragične smrti Džebe Gadžun. U medijima skoro pa više ni ne možemo čitati informacije o ovom procesu iz Tužilaštva vrlo šturo kao što smo od njih i navikli, nikakvih informacija nema. Tražim i zanima me da hitno Skupštini Kantona dostave informacije o procesu da li su saslušani svi potencijalni akteri ovog slučaja? Da li Tužilaštvo poduzima dalje mjere jer zaista jedan ovakav predmet ne zaslužuje indolentan i površan pristup. Ponavljam još jedno pitanje Kantonalnom Tužilaštvu Kantona Sarajevo. A ovako glasi: Zašto još jednom ignorirate Skupštinu Kantona Sarajevo? Prošlo je više od 6 mjeseci od inicijative da uradite nešto konkretno po pitanju ubistva Amara Kapidžića. Niste nam odgovorili na konkretna pitanja na sjednici na kojoj smo razmatrali izvještaj o vašem radu, sastanak sa resornim ministrom nikad niste održali. U međuvremenu smo dobili nove informacije koje ukazuju na ogromne propuste u istrazi. Podsjećam vas na neke detalje: Samoubistvo je jedan od počinitelja izvršio tako što je pucao dva puta sebi u glavu. Svjedoci su tokom suđenja govorili o 4 počinioca, sudilo se samo trojici. Svjedok je tokom suđenja tvrdio da u sali nema vozača koji je upravljao vozilom. Vještačenje gospodina Žuje koji je tvrdio pod kojim uslovima je navodni počinitelj mogao držati oružje u rukama. Tražim ozbiljnije i hitnije odgovore. Hvala.”

Zastupnik Vedran Jakupović je podnio sljedeće (citiramo): „Pitanje za visoko obrazovanje, nauku i mlade. Vezano za poziv za sufinansiranje troškova doktorskog studija studenata koji su dobili Zlatne značke. Poziv je objavljen 29.11. i trajao je osam dana, a konkursi za upis studenata na nekoliko fakulteta UNSA su objavljeni kasnije i rezultati su također objavljeni nakon što je zatvoren konkurs Ministarstva. Riječ je o Filozofskom fakultetu, Fakultetu zdravstvenih studija itd. Tehnički postoji li mogućnost da se na neki način ili raspiše novi konkurs ili Ministarstvo ima neko drugo rješenje da se i studenti Zlatni studenti koji su namjeravali da upišu doktorski studij, na koji su primljeni, na doktorski studij mogu dobiti priliku za sufinansiranje studija? Hvala.”

Zastupnik Zvonko Marić je podnio sljedeće (citiramo): „Dakle ja ću ponoviti jednu inicijativu. Nekoliko puta sam pokretao i dolazilo je izgleda do nesporazuma između mene i ministra Štete, odnosno Ministarstva za saobraćaj. Naime, riječ danas smo govorili i pominjali u nekoliko navrata svrsishodnost linija koje su otvorene i koje će biti otvorene. Otvorene su prije toga na relaciji Sarajevo Pazarić. Evo kao što smo danas rekli da će biti Sarajevo Ilijaš. Riječ je o stanicama u jednom trenutku je došlo do nesporazuma oko stanice, ja sam govorio

na Vrelu Bosne kod Pravoslavne crkve ima potpuno sve preduslove da bude tu stanica ogromno je naselje Osijek. I ja sam molio u ime tih građana i u ime građana Kantona Sarajevo također koji posjećuju Vrelo Bosne da bude tu stanica i da ne bi bilo gužvi oko Vrela Bosne itd. A mnogi ako nisu nemaju automobil mogu iz Sarajeva direktno otići do Vrela Bosne odnosno do te pozicije o kojoj govorim. Meni je onda rekao gospodin Šteta da je otvorena. Međutim to je u Binježevu. A ja sam govorio bliže Blažuju. Pa bih molio ukoliko postoje mogućnosti da se tu stanica odredi koja bi bila zaista svrsishodna, pogotovo ovo vrijeme kada se vrši rekonstrukcija tramvajske pruge. Mislim da bi dodalo rezultate. Ako je to interes naravno nas da se što više građana prevozi tim alternativnim prijevozom koji je u posljednje vrijeme nužan, potreban zbog te rekonstrukcije tramvajske pruge. Pa evo molim vas gospodine Šteta s obzirom da sam razgovarao i sa predstavnicima menadžmenta federalnih Željeznica da nije nikakav problem da se tamo instalira stanica koja bi služila svim građanima onog velikog naselja i čini mi se da je to dobra pozicija i doprinijelo bi efikasnosti tih relacija koje ste uspostavili. Hvala.”

Zastupnik Haris Zahiragić je podnio sljedeće (citiramo): „Dakle jučerašnja inicijativa gdje smo u dogovoru s vama nisam tražio izjašnjenje na ovoj sjednici da se izjasnimo o zaduživanju Vlade da prilikom predlaganja Budžeta za 2022 godinu predvidi sredstva za Program za besplatne doktorate za sve duple Zlatne značke. Kolegica Amra je nekada ranije tu inicijativu prema Vladi uputila, čini mi se na 43. sjednici. Pa eto molim izjašnjenje, vjerujem da će kolege podržati tu inicijativu. Imam poslaničkih pitanja nekoliko. Pitanje za premijera Fortu i za ministra Štetu, alternativno ko je tu i koje u mogućnosti da odgovori, da odgovori. Gdje se nalaze šine koje su skinute fizički? Gdje se, i da li postoje nove šine? Ja dok sa govorio ministar Šteta je govorio da nisam u pravu da ne postoje nove šine, pa bih volio da mi kaže gdje se nalaze nove šine koje su već avansno plaćene i ugovorene. Trebale su već da budu postavljene. Da li se uopšte nalaze u Kantonu Sarajevo i da li smo ih kupili? Imam pitanje još jedno poslaničko za premijera Fortu. Zapravo dva, ali ću kroz jedno ću to formulirati. Kolega Nikšić je nekada davno dok se još nije bavio politikom napravio jedan dobar video uredak o bajti na Pravnom fakultetu. To je jedna od najljepših zgrada u Kantonu Sarajevo, palata pravde. I dan danas, ja sam tada bio predsjednik studenata pa sam zajedno s kolegom Nikšićem se borio da se skine bajta, i skinula se drvena bajta ali su postavili neku željeznu konstrukciju koja ne služi na čast ni UNSA ali ni generalno palati pravde, jedne od najljepših zgrada u Kantonu Sarajevo. I kada sam mislio da je to izuzetak a ne pravilo, desilo se da na Kanton Sarajevo na ulazu u Vladu Kantona Sarajevo i Skupštinu Kanton Sarajevo ili sjedište Kanton Sarajevo imamo ponovno bajtu, sličnu kao na UNSA. I želim da pitam premijera Fortu da li su predvidjeli i da li planiraju u prijedlogu Budžeta da iznađu sredstava da ova sramotna bajta ispred Kanton Sarajevo skine, ali i ona koja je duže tu pred UNSA i Pravnim fakultetom i da se urade fasade na dvije divne lijepe zgrade koje treba da služe na čast ovom Kanton Sarajevo da se adekvatno iluminiraju i da budu ukrasi, a ne sramota Grada Sarajeva. Hvala.”

Zastupnik Hamed Aljović je podnio sljedeće (citiramo): „Pitanje za ministricu za odgoj i obrazovanje. Koliko je novca je isplatila OMSH Ilidža advokatima za zastupanje škole u periodu 2017-2021.godina i koje su to advokatske kuće kojima je novac isplaćen? Zahvaljujem.”

Zastupnik Damir Marjanović je podnio sljedeće (citiramo): „S obzirom da smo jučer bili onako efikasni pa smo odlučili da neke stvari skratimo. Ja ću samo podsjetiti sve nas u Skupštini Kantona Sarajevo da smo preuzeli obavezu da svakih tri mjeseca imamo informacije vezano za kurikularnu reformu, pa ću nas zamoliti ustvari Kolegij Skupštine Kantona Sarajevo da prilikom pripreme dnevnog reda sljedeće sjednice, prve u sljedećoj

godini, obavezno uvrsti tu tačku na dnevni red. S tim u vezi podsjećam ministrice, evo obavještavam ih i sada da ako mogu pripreme materijal za tu tačku, znači na prvoj sljedećoj sjednici.

Druga stvar je kolegica Hasagić je jučer pokrenula jednu odlučnu inicijativu. Ja joj se zahvaljujem na tome. Zahvaljujem se kao neko ko je odrastao na Čengić Vili. Vezano je za mladog heroja Karla Ivandića i za ono čime se njegove kolege i njegovi prijatelji i susjedi već duže vrijeme bore. Znam da je tragom te inicijative Ministarstvo za boračka pitanja već usmeno ministar je najavio da će da riješi taj problem. To ću stvarno kolegici Hasagić ostaviti da obavijesti javnost da ne bilo da na neki način preuzimam bilo kakve zasluge, jer ova priča je mnogo viša od onoga što se zove pozicija, opozicija. A kolegica i ja smo već imali priliku da surađujemo prilikom kreiranja nekih Zakona baš sa dvije odvojene pozicije i uvijek smo imali uspjeha u svemu tome. Ja bih volio da, neću sada pokretati inicijativu, zato što ne bih žurio u tome, i želim da se konsultujem sa ljudima koji su pokretali ove inicijative, ali i sa svim kolegama iz Skupštine, iz pozicije i opozicije, da pronađemo način da sugeriramo prema općini Novi Grad da pronađe mogućnost da se izađe u susret zahtjevima ljudi koji su podnijeli inicijativu: ili da se izmijeni ime OŠ bivše „Petar Dokić” sada se zove „Abdulah Nakaš”, pardon „Osman Nakaš” evo vidite kako vas povuku poznata prezimena i jednog i drugog velikog čovjeka. Ili da eventualno prilikom kreiranja novih naselja koje se dešavaju u okolini Čengić Vile, govorimo o Otoci da se pokuša ispoštovati opcija da ovo ime ipak ostane istorijski zabilježeno jer ovaj mladi momak, mladi dječak je to uistinu zaslužio. Tako da neću žuriti s inicijativom, najavljujem inicijativu. Koristim priliku, stvarno da zamolim sve kolege iz Skupštine Kantona Sarajevo da pronađemo najbolji način i najbolju mogućnost da to formuliramo kako treba da ne bi dolazili u neke nedoumice da ne bi slučajno proceduralno napravili neke greške, kao što rekoh, siguran sam da će nam ljudi koji su uistinu pokrenuli ovu inicijativu i bore se za to već godinama pomoći u svemu tome a siguran sam i da će općina Novi Grad i načelnik i Općinsko vijeće pronaći načina da zajedno s nama ipak obilježimo ovaj mladi izgubljeni život za odbranu BIH i našega Grada. Hvala velika.”

Nakon iscrpljene liste prijavljenih za pitanja i inicijative, uslijedilo je obraćanje članova Vlade kako bi dali odgovore na pitanja za koja je tražen usmeni odgovor. Prvi se Skupštini obratio premijer Edin Forto, a zatim ministar saobraćaja Adnan Šteta pa ministrica za nauku, visoko obrazovanje i mlade Aleksanda Nikolić.

Nakon odgovora uslijedila je kraća diskusija između predsjedavajućeg Elvedina Okerića, zastupnika Harisa Zahiragić i zastupnika Damira Marjanovića.

S obzirom da je konstatovano je da je iscrpljen dnevni red, predsjedavajući Elvedin Okerić je zaključio rad na 47. Radnoj sjednici Skupštine Kantona Sarajevo i zahvalio se uvažanim zastupnicama i zastupnicima.

Zapisnik izradila:

Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVALAČI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.